



Warbixinta

Wax-qabadka Kal-fadhigii 4^{aad} ee Golaha Wakiillada

05 September illaa 29 November 2022

ARRAAR

Mudanayaal.

Si aynu u gudano hawlaha inoo qorshaysan kal-fadhigan 5^{aad} ee iminka aynu galnay isla markaana aynu u dardar galino, una dhameystirno hawlahii inaga baaqdey kal-fadhigii hore oo Goluhu shaqooyin badan qabtay sida Ansixinta Miisaaniyad, Xisaab Xidh, Xeerar iyo Masuuliyiin qaran, sidoo kale shaqooyinkii Gudiyadu qabteen.

Hadaba, si aynu u gudano Waajibaadkeena yo hawlaha faraha badan ee inoo qorshaysan kal-fadhigan 5^{aad} darteed waxaan halkan idiinku soo gudbinaynaa wax-qabadkii kal-fadhigii 4^{aad} ee Golaha iyo wixii kale ee hawlo ah ama dhacdooyin ahaa ee mudaddii fasaxa ee ka dambeysay kal-fadhigaas.

HORDHAC

Xeer-dejinta dalku waxay ka mid tahay Saddexda tiir ee Qaranku ku qotomo, sida ku cad Dastuurka Jamhuuriyada Somaliland, kuwaas oo kala ah Xukuumada (Executive), Garsoorka (Judiciary) iyo Xeer-dejinta (Legislation). Golaha wakiilladu waa mid ka mida ah labada aqal ee Baarlamaanka Somaliland ka kooban yahay, kuwaas oo kala ah (Guurtida iyo Golaha Wakiillada) oo marka la isku darro loogu yeedho Xeer-dejin ama Baarlamaan. Golahan Wakiillada ee la soo doortay 31 May 2021 waa Golihii labaad ee ku yimaada qaab doorasho toos ah, waana Golihii 5^{aad} (afraad) oo ay ka horeeyeen afar gole, saddexda gole ee kale waxay ku yimaadeen hab-beeleed (xulasho). Afartaas Gole ee Golahan ka horeeyay waxay kala ahaayeen: -

- Golihii Wakiillada ee lagu soo doortay shirweynihii Burco **1991 - 1993** kana koobnaa **(111)** xubnood.
- Golihii Wakiillada ee lagu soo doortay Shir-weynihii Beelaha Boorama **1993-1997** kana koobnaa **(75)** xubnood.
- Golihii wakiillada ee lagu soo doortay Shir-weynihii Beelaha Hargeysa **1997-2005** kana koobnaa **(82)** xubnood.
- Golihii wakiilada ugu horeeyay shacabku si toos ah u soo doorto September 2005kii, **2005-2021** kana koobnaa **(82)** xubnood.

Golaha Wakiillada waajibaadkooda, tilmaamtooda Guud iyo Awoodoodu waa Xubno ka wakiil ah dadweynaha, waana qeybta 1^{aad} ee Xeer-dejinta iyo ogolaanshaha iyo Illaalinta Siyaasada Guud ee dalka lagu hagayo iyo sidoo kale ansixinta heshiisyada dawliga ah ee ay ka mid yihiin kuwa siyaasadeed, dhaqaale iyo nabadgelyo ama kuwa keenaya culays maaliyadeed oo cusub oo aan ku soo aroorin miisaaniyadda, ama keenaya soo saarid ama wax-ka beddelid qaanuun iyo sidoo kale Ansixinta Wixii Maaliyad khuseeya oo ka mid yihiin ansixinta Miisaaniyada, Ogolaanshaha Cashuuraha, Assaasida Keydka Dhakhliga Somaliland, Daabacada Lacagta iyo habeynta nidaamyada dhaqaale iyo kuwa lacageed, Sida ku cad Qodobka 39^{aad}, Qodobka 53^{aad}, Qodobka 54^{aad} iyo Qodobka 55^{aad} ee Dastuurka Jamhuuriyada Somaliland.

Qaab-dhismeed-ka guud ee uu Golaha Wakiiladu leeyahay waxa u dheer inuu leeyahay Guddiyo u kala xilsaaran hawlo iyo shaqooyin kala duwan, waxanay ka kooban yihiin 10 Guddi Sida ku cad Xeer-hoosaadka Golaha Xeer Lr. 01/2021. Goluhu wuxuu yeeshay kal-fadhigii 3aad mudaddii u dhexaysay 05 September illaa 29 November 2022, Hadaba warbixintan waxaynu ku soo koobaynaa Wax-qabadkii Golaha ee Kal-fadhigaas 3aad iyo mudaddii fasaxa ee ka dambeysay wixii uu qabtay.

WAX-QABADKII KAL-FADHIYADA GOLAHA

Kal-fadhigii 4^{aad} ee Golaha 5^{aad} ee Wakiillada Somaliland

1.	Kal-fadhiga 4 ^{aad}	26 Fadhi
2.	Kulamadii Gudiyada Golaha Wakiiladu yeesheeyn	43 Kulan
3.	Isugaynta Fadhiyada iyo Kulamadii Gudiyada	69 Fadhi/kulan

Warbixinadii Golewaynaha laga hor Jeediyay Kal-fadhigii 4^{aad}

Waxa Kal-fadhigii 4^{aad} Golaha laga horjeediyay 15 Warbixinoood oo isugu jiray Warbiixnada Gudiyada, Warbixinada Xeerarka, Mooshino, Miisaaniyado, Xisaab Xidho iyo kuwa Masuuliyiin Qaran ay Golaha ka jeediyeen. Shaxdan hoose waxay muujinaysaa Nooca Warbixinta Golaha laga jeediyay, taariikhda la jeediyay iyo cidda jeedisay.

Taariikhda	Nooca Warbixinta	Cidii akhridey
8 September 2022	Warbixinta Shir-gudoonka ee Kal-fadhigii 4 ^{aad}	Mr. C/risaaq Siciid Ayaanle Xoghayaha Guud ee Golaha
10 September 2022	Warbixinta Gudidda Arrimaha Dibada	Gudoomiyaha Gudidd Md. Maxamed Jaamac Koodbuur
10 September 2022	Warbixinta Gudidda Dhaqaalaha iyo Maaliyada	Gudoomiyaha Gudidda Md. C/rashiid C/Laahi Muuse
11 September 2022	Warbixinta Gudidda Joogtada ee Kal-fadhigii 4 ^{aad}	Md. Maxamuud Saalax Xubin Gudidda ka tirsan
11 September 2022	Warbixinta Xeerka Qaxootiga iyo Magan-galyo doonka ee Gudidda Garsoorka, Cadaalada iyo Xuquuqal Insaanka	Gudoomiyaha Gudidda Md. Yaxye Araarse
11 September 2022	Warbixinta Gudidda Arrimaha Gudaha iyo Nabadgalyada	Gudoomiyaha Gudidda Md. Axmed Nuur Yuusuf Guruuje
12 September 2022	Warbixinta Gudidda Illaalinta iyo Dabagalka Hantida Qaranka	Gudoomiyaha Gudidd Md. Mustafe Axmed C/Laahi
18 September 2022	Warbixinta Gudidda Arrimaha Bulshada	Md. Axmed Khaliif Xubin Gudidda ka tirsan
18 September 2022	Warbixinta Gudidda Deegaanka	Gudoomiyaha Gudidda Md. Mubaarik Muuse Ismaaciil
18 September 2022	Warbixinta Xildhibaanada Safar shaqo ku tagay Dalka UK	Abiibakar Siciid Cali
19 September 2022	Mooshinkii Wax ka badelka Xeerka Guud ee Doorashooyinka iyo Codbixiyayaasha	Xildhibaan Qaasim Saleebaan
19 September 2022	Mooshinkii Wax ka badelka Xeerka Nidaamka Ururada iyo Axsabta Siyaasada	Xildhibaan Eng. Axmed Cabdi Ibraahim
31 October 2022	Warbixinta Miisaaniyada Qaranka 2023	Dr. Sacad Cali Shire

27 November 2022	Warbixinta Xisaab Xidhka Miisaaniyadii 2021kii ee Gudidda Illaalinta iyo Dabagalka Hantida Qaranka	Gudoomiyaha Gudidda Md. Mustafe Axmed C/laahi iyo Md. Eng. Axmed Ibraahim Xubin Guddidda ah
28 November 2022	Warbixinta wax ka badelka iyo Kaabista Xeerka Dakhliga Guud ee Gudiddii gaarka ahayd ee loo saaray.	Md. Maxamed Xasan Siciid Gudoomiyaha Gudidda gaarka ah iyo Md. Eng. Axmed Ibraahin
29 November 2022	Warbixinta Gudidda Dhaqaalaha iyo Maaliyada ee Odoroska Miisaaniyada Sannadka 2023ka	Gudoomiyaha Gudidda Md. C/rashiid C/Laahi Muuse

Mashaariicda Sharci (Xeerarka)

B. Xeerarka Goluhu Ansixiyay ee Guurtida ku maqan

No	Mashruuc Sharciga la Ansixiyay	Taariikhda	Halka loo gudbiyay
1.	Wax ka badelka Xeerka Nidaamka Ururada iyo Axsabta Siyaasada	19/09/2022	Golaha Guurtida
2.	Xeerka Qaxootiga iyo Magan-galyo Doonka	15/10/2022	Golaha Guurtida
3.	Xeerka Macdanta Qaranka	16/11/2022	Golaha Guurtida

T. Xeerarka Madaxweynaha u gudbay

No	Mashruuc Sharciga la Ansixiyay	Taariikhda	Halka loo gudbiyay
1.	Xeerka Ilaalinta Xuquuqda Caruuraha	11/09/2022	Madaxweynaha
2.	Xeerka Shirkadaha Caymiska	31/10/2022	Madaxweynaha
3.	Wax ka badelka iyo kaabista Xeerka Dakhliga Guud	28/11/2022	Madaxweynaha
4.	Xisaab Xidhka Miisaaniyadii sanadka 2021	27/11/2022	Madaxweynaha
5.	Odoroska Miisaaniyada a sannadka 2023ka	28/11/2022	Madaxweynaha

J. Xeerarka Madaxweynaha u gudbay ee uu Dhaqangaliyay

No	Mashruuc Sharciga la Ansixiyay	Taariikhda
4.	Xeerka Ilaalinta Xuquuqda Caruurta	29/10/2022
	Xisaab Xidhka Miisaaniyadii sanadka 2021	17/12/2022
	Odoroska Miisaaniyada a sannadka 2023ka	17/12/2022

Xeerarka Golaha horyaal

B. Mashaariicda ee Gudiyaddu gacanta ku hayaan

N	Magaca Xeerka	Gudidda gacanta ku heysa
1.	Mashruuc Sharciga Dakhliga Shidaalka	Gudidda Deegaanka iyo Kh. Dabiiciga ah
2.	Mashruuc Sharciga Jidaynta kabka H. Gobolada Barri iyo Nidaaminta Cashuuraha Dawladda dhexe u qabato dawladda hoose	Gudidda Dhaqaalah, M. iyo Ganacsiga

3.	Mashruuc Sharciga Caasimada	Gudidda Arrimaha Gudaha
4.	Wax ka badelka iyo Kaabista Xeerka Duulista Hawada	Gudidda Hawlaha Guud

T. Xeerarka Guurtida ku maqan

No	Mashruuc Sharciga la Ansixiyay	Halka loo gudbiyay
1.	Wax ka badelka Xeerka Guud ee Doorashooyinka iyo Cod-bixiyayaasha	Golaha Guurtida ku maqan
2.	Wax ka badelka Xeerka Nidaamka Ururada iyo Axsabta Siyaasada	Golaha Guurtida ku maqan
3.	Xeerka Qaxootiga iyo Magan-galyo Doonka	Golaha Guurtida ku maqan
4.	Xeerka Macdanta Qaranka	Golaha Guurtida ku maqan

T. Xeerarka Gole Waynaha Horyaal

1.	Xeerka Shirkadaha Caymiska	Madaxtooyada ka soo noqday
2.	Xeerka Dakhliga Guud	Madaxtooyada ka soo noqday

Masuuliyiintii Qaran Goluhu Ansixiyay

Intii lagu jiray kal-fadhigii 4^{aad} Goluhu yeeshay wuxuu ku ansixiyay Masuuliyiin Qaran oo Xilal kala duwan oo loo magacaabay ogolaansho Goluhu u siiyay, waxayna Masuuliyiinta Goluhu Ansixiyay sannadkaas tiradoodu ahayd **13 Masuul** oo isugu jiray Wasiiro, Wasiiro ku-xigeen, Gudoomiyayaal Hay'addo iyo Komishanka Doorashooyinka.

No	Magaca Masuulka	Xilka	Taariikhda
1.	Muuse Xasan Yuusuf	Xubin Gudidda Doorashooyinka	06/09/2022
2.	Axmed Yuusuf Maxamed	Xubin Gudidda Doorashooyinka	06/09/2022
3.	Axmed Cismaan Xasan	Xubin Gudidda Doorashooyinka	06/09/2022
4.	C/qaadir Iimaan Warsame	Wasiirka Wasaarada Beeraha	04/10/2022
5.	Dr. Axmed Aadam Buuxane	Wasiirka Qorshaynta Qaranka	04/10/2022
6.	Mukhtaar Maxamed Cali	Gudoomiyaha Hay'adda Dhawrista Tayada	04/10/2022
7.	Guuleed Muuse Galaal	Gudoomiyaha Hay'adda Caymiska	04/10/2022
8.	Maxamed Xuseen	Gud. Ku-xigeenka Hay'adda Caymiska	04/10/2022
9.	Maxamuud Jaamac Warsame	Wasiir ku-xigeenka Hawlaha Guud & Guryaynta	04/10/2022
10.	Maxamuud Jaamac Warfaa	Wasiir ku-xigeenka X. Xoolaha iyo Kalluumaysiga	04/10/2022
11.	Siciid Xasan Habane	Wasiir ku-xigeenka W. Warfaafinta	04/10/2022

12.	Xamse Cabdi Ibraahim	Wasiir ku-xigeenka H. Dhawrista Tayada	04/10/2022
13.	Siciid Xasan Habane	Wasiir ku-xigeenka Shaqo-galinta & A. Bulshada	04/10/2022

Masuuliyiinta Qaran ee Goluhu Su'aalaha waydiiyay

Masuuliyiinta Golaha hor yimi si Mudanayaashu su'aalo ugu waydiyaan shaqada ay qaranka u hayaan, sannadii 2022kii Masuuliyiinta qaran ee Goluhu su'aalo waydiiyay waxay ahaayeen 5 Masuul, waxayna kala ahaayeen.

No	Magaca Masuulka	Mawduuca Su'aalaha	Taariikhda
1.	Hanti-dhawraha Guud ee Qaranka Axmed Yuusuf Diri	Xisaab Xidhka Miisaaniyaddii 2021	01/11/2022
2.	Wasiirka W. H. Maaliyada Dr. Sacad Cali Shire	Odoroska Miisaaniyada 2023	15/11/2022

Mooshinadii Golaha la horkeenay

Sannadkii 2022kii Kal-fadhiyadii Goluhu yeeshay waxa Mudanayaal kala duwan ay Golaha horkeeneen Mooshino kala duwan, mooshinadaas oo nuxurkoodu ahaa Goluhu in go'aan ka gaadho ujeeddada sharci ee Mooshinadaas kala xambaarsanaayeen, hadaba, shaxdan hoose waxaynu ku soo koobanaynaa mooshinadii Golaha la hor keenay, nuxurkoodii iyo sidoo kale kuwa ansaxay iyo kuwaa aan ansixin sharci ahaan:-

Taariikhda	Nuxurka Mooshinka	Cidda akhriday	Taladii sharci	Ansixintii
19/09/2022	Mooshinkii Wax ka badelka Xeerka Guud ee Doorashooyinka iyo Codbixiyayaasha	Xildhibaan Eng. Axmed Cabdi Ibraahim	Wuu Ansaxay	La-ansixiyay Guurtidana loo gudbiyay
19/09/2022	Mooshinkii Wax ka badelka Xeerka Nidaamka Ururada iyo Axaabta Siyaasada	Xildhibaan Eng. Axmed Cabdi Ibraahim	Wuu Ansaxay	La-ansixiyay Guurtidana loo gudbiyay

Ansixinta Odoroska Miisaaniyada Qaranka

➤ Odoroska Miisaaniyada Qaranka ee Sanadka 2023ka

Sidoo kale intii lagu jiray Sannadkii 2022ka, waxa Golaha la horkeenay Odoroska Miisaaniyad sannadeedka 2023ka taariikhdu markay ahayd **31 October 2022** waxaana isla maalintaas Golaha Warbixin ka siiyay **Wasiirka Wasaarada H. Maaliyada Dr. Sacad Cali Shire**, iyadoo intaas ka dib sida Xeer-hoosaadku dhigayo isla markaana Hab-raaca Miisaaniyada Golaha Wakiiladu uu yahay, waxa si toos ah Miisaaniyada loogu wareejiyay Gudidda Dhaqaalaha, Maaliyada iyo Ganacsiga si ay u soo lafa-gurto, ka dibna, warbixin ugu soo siiso Golewaynaha.

14 November ayuu Goluhu Fadhi uu yeeshay su'aalo aad tiro badan oo khuseeya Odoroska Miisaaniyada 2023ga ay Mudanayaashu ku waydiiyeen, wasiirka iyo Saraakiisha kale ee Wasaaraduna dhamaan su'alahaas uga jawaabeen Mudnayaasha.



Wasiirka W. Horumarinta Maaliyada oo Golaha Warbixin ka siiyay Miidaaniyada Sannadka 2023 iyo Ansixintii Golaha ee Miisaaniyada

Ugu dambeyn, Gudidda Dhaqaalaha iyo Maaliyada Goluhu muddo badan oo naaqishaad iyo xog ururin ay ku samaysay Miisaaniyada isla markaana wixii su'aalo iyo xog ee ay u baahdeen waydiiyeen qaybaha ay khusaysay sida hay'addaha dawlada, waxay Warbixin balaadhan oo wax ka badel Odoroska Miisaaniyada ah Xambaarsan u soo gudbiyeen Golewaynaha 29 November 2022, warbixinta Gudidda ka dib, wuxuu Goluhu kala doortay in Dood la galiyo Miisaaniyada in wax ka badelka Gudidda Dhaqaalaha oo Golaha matalaysaa ku soo samaysay lagu ansixiyo isla fadhigaas.

Wuxuuna Goluhu isla gartay in fadhigii maalintaas lagu ansixiyo Miisaanad si waafaqsan Wax ka badelka Gudidda Dhaqaaluhu ku soo samaysay Miisaaniyada, taas oo ay **20 Madax** laga jaray lacag Xadigeedu yahay **33,000,878,335/= SL Shilling**, lacagtaasna loo wareejiyay **17 Madax** oo kale kuwaas oo Goluhu u arkay inay uga baahi badan yihiin. Ugu dambeyn Odoroska Miisaaniyada Qaranka ee Sanadka 2023ka oo Goluhu cod aqlabiyad ah ku ansixiyay, wuxuuna u gudbiyay Madaxweynaha si uu dhaqangaliyo.

WAX-QABADKA GUDDIYADA GOLAHA

Gudiddayada Golaha Wakiiladu waxay ka kooban yihiin 10 Guddi oo kala ah.

1. Gudidda Joogtada iyo Anshaxa.
2. Gudidda Dhaqaalaha, Ganacsiga iyo Maaliyada.
3. Gudidda Deegaanka, Kheyraadka Dabiiciga, wax soo saarka iyo Tamarta
4. Gudidda Arrimaha Bulshada
5. Gudidda Arrimaha Shareecada, Dhaqanka iyo Qoyska
6. Gudidda Dastuurka, Garsoorka Cadaalada iyo Xuquuqal Insaanka.
7. Gudidda Arrimaha Dibada, Iskaashida Caalamiga iyo Qorshaynta iyo Maal-gashiga
8. Gudidda Arrimaha Gudaha, Nabadgelyada iyo Difaaca
9. Gudidda Hawlaha Guud, Gaadiidka iyo Technologyada
10. Gudidda ilaalinta iyo Dabagalka Hantida Qaranka.

Gudiyada Golaha wakiiladdu iyagoo Gudanaya Waajibaadkooda uu Dastuurka iyo Xeer-hoosaadka Golaha Wakiilada siiyay, waxay qaybtaan shaqooyinka ugu mihiimsan golaha wakiilada, iyada oo gudi wal u qaabilsan shaqooyin gaar ah Golaha.

Sidaa darteed waxay Golaha uga soo war bixiyaan Ansixintooda Masuuliyiinta ay soo magacawdo Xukuumada markaa joogtaa iyo Hay'adaha Madaxa Banaan. Hadaba, iyadoo Gudi waliba Warbixineeda Golaha ka hor akhrin doonta waxaan halkan idinku soo gudbinaynaa wax qabadkoodii Gudiyada oo kooban.

1. Gudidda Joogtada iyo Anshaxa

Guddida joogtada iyo Anshaxa iyada oo Gudanaysa waajibaadkeeda Dastuuriga sida uu dhigaayo Qodobka 53^{aad} iyo Awoodaha uu qeexayo Xeer hoosaadka Golaha Wakiilada Waxa ay Guddidu sanadkii 2022ka ay qabatay shaqooyin badan waxa ay kulamo la yeelatay Masuuliyiin kala duwan. Hadaba wax-qabadkii Guddida oo kooban waxa uu ahaa sidan:-

Kulamadii Guddidu la Yeelatay Masuuliyiinta Qaran

1. **17/12/2022** Xeer ilaaliyaha Guud ee Qaranka
2. **20/12/2022** Guddida Horumarinta Dhaqanka iyo Anshaxa Suuban ee Gobolka Maroodi jeex.
3. **27/12/2022** Ururka Mihnad-layaasha Caafimaadka
4. **21/01/2023** Gudoomiyaha Hay'adda Shaqaalaha Dawalada

2. Gudidda Deegaanka iyo Kh. Dabiiciga ah, Wax soo-sarka iyo Tamarta

Guddida Deegaanku iyagoo Gudanaya Waajibaadkooda Dastuuriga ah iyo Awoodaha uu qeexayo Xeer hoosaadka Golaha Wakiilada, waxay Guddidu soo qabatay Kal-fadhigii 4aad shaqooyin muhiim ah, sida Mashaariic Sharci, lafa-gurista Ansixin Masuuliyiin cusub oo Xukuumadda ka tirsan oo dhammaan ay u gudbiyeen Gole-waynaha.

Kulamadii ay Guddidu la yeelatay Masuuliyiinta Qaranka

1. **13/10/2022** MaCadka Cilmi Baadhista Beeraha
2. **19/10/2022** Wasiirka Wasaaradda Horumarinta Khayraadka Biyaha

Mashaariicda Sharci ee ay Guddidu u gudbisay Gole-waynaha

Waxay Guddidu ka shaqaysay Qabyo-qoraalka xeerka Macdanta Qaranka, kaas oo u qabatay Kulan hawleed ay ka soo qayb galeen dhammaan Daneeyayaasha Xeerkani. Ugu dambayn waxay Guddidu u soo gudbisay Xeerkan Gole-waynaha 15/11/2022.

3. Guddida Ilaalinta iyo Daba-galka Hantida Qaranka

16/11/2022 Guddida Ilaalinta iyo Dabagalka Hantida Qaranku waxay kulan xog-waraysi ah la yeelatay Guddoomiyaha Bangiga dhexe iyo saraakiil Bangiga ka tisan ku wehelinaysay kulankaas, iyadda oo u jeedadu ahaa inay Guddidu wax ka waydiiso sababaha Bangiga Dhexe u soo gudbin waayey warbixinta Xisaab-xdhika Bangiga dhexe iyo warbixinta guud ee dhaqaalaha dalka oo jideeyey xeerka Banka Dhexe Xeer Lr.54/2012.

16/11/2022 Guddida Ilaalinta iyo Daba-galka Hantida Qaranku waxay kulan xog-waraysi ah la yeelatay Wakaaladaha Biyaha ee magaalooyinka Burco, Boorama iyo Wasaarada Biyaha, iyada oo u jeedadu kulankaasi ahaanay Guddidu wax ka waydiiso sababaha xisaab-xidhka wakaaladaha Biyaha ka reebay warbixinta xisaab-xidhka 2021 oo ay ku jireen badi Hay'addaha Madax-bannaani.

21/11/2022 Guddida Ilaalinta iyo Dabagalka Hantida Qaranku waxay kulan la yeelatay Hanti Dhawrka Guud ee Qaranka, iyadda oo u jeedada kulankaasi ahaa inuu Gudidda aah-faahin ka siiyo warbixintii xisaab-xdhika 2021 ee uu Golaha u soo gudbiyey Guddiduna ay gacanta ku haysay markaa, si ay Guddidu wax uga waydiiso meelaha faah-faahinta dheeriga ah uga baahdeen.

26/11/2022 Guddida Ilaalinta Guddida Ilaalinta iyo Dabagalka Hantida Qaranku waxay kulan la yeelatay Xisaabiyaha Guud ee Qaranka iyo masuuliyiin ku wehelinaysay kulankaas. Waxayna ujeedada kulankaasi ahaa xogogaal u noqoshada sababaha hay'addaha madax-bannaan qaarkood loogu soo dari waayey ama loo soo raacin waayey xisaab xidhkooda warbixinta guud ee xisaab-xidhka 2021.

27/11/2022 Waxa Guddida Ilaalinta iyo Dabagalka Hantida Qaranku ay Golaha u soo gudbisay warbixin ay Gudiddu ka diyaarisay xisaab-xidhka 2021, iyada oo Guddidu warbixinta ku soo lifaaqday soo jeedimo iyo go'aano ay Golaha uga soo jeedisay takaaliifaha aan sharciga ahayn oo ay Hay'addaha ama Wasaaradaha qaarkood qaadaan, iyada oo ugu dambeyn go'aan gole lagu laalay takaaliifahaas aan sharciga waafaqsanayn ee Gudiddu soo jeedisay in la laalo.

4. Guddida Arimaha Bulshad

Guddida Arrimaha Bulshadu iyaga oo Gudanaya Wajibaadkooda Waajibaadkooda Dastuuriga ah iyo Xeer Hoosaadka Golaha Wakiilada oo Qeexaya Awoodaha Guddiyada Golaha wakiilada, Waxay Guddidu Qabatay Hawlo Muhiim ah sida:-

Kulamadii Guddidi la Yeelatay Masuuliyiinta Qaranka

15/10/2022, waxay Kulan Xogwareysi la Qaadatay Wasiirka Wasaarada Waxbarashada & Seyniska.

Kulamada Cabashada Dadweynaha

22-10-2022: Guddida Arrimaha Bulshada ayaa kulan la Yeelatay Ururka Macalimiinta Jamhuuriyadda Somaliland.

Masuuliyiinta Qaran ee ay Gole Weynaha uga soo Talo-Bixisay

- 1- 20-09-2022 Wasiir ku Xigeenka Wasaarada Arrimaha Bulshada, Qoyska iyo shaqaaleysiinta MD: Cabdimajid Ibrahim Warfaa
- 2- 20-09-2022 Wasiir ku Xigeenka Wasaarada Warfaafinta, Wacyigalinta iyo Dhaqanka : MD: Siciid Yusuf Habane

5. Gudidda Dastuurka, Garsoorka Cadaalada iyo Xuquuqal Insaanka

Guddida Garsoorka iyo Cadaaladu iyaga oo Gudanaaya waajibaadkooda Dastuuriga iyo Awoodaha uu u qeexay Xeer hoosaadka Golaha Wakiiladu, waxa ay kal-fadhigii ay qabatay shaqooyin muhiim. Hadaba wax-qabadkii Gudidda oo kooban wuxuu ahaa sidan:

Mashaariicda Sharci ee Gudiddu Golaha u soo gudbisay

12-09-2022. Gudiddu waxay Golaha u soo gudbisay Warbixinta iyo Qabyo-Qoraalka Xeerka Qaxoontiga iyo Magan-galyo-doonka.

Siidaynta Maxbuus Yamani ah iyo Abaalmarinhii Gudida la siiyey.

13/12/2022 Gudida waxay ku guulaysatay inay xoriyadiisii usoo celiyaan maxbuus Yamani ah, kaasi oo loo haystay xuquuq lacageed oo dhan \$108000. Kadib markuu ka dhamaaday xukunkiisii.

Sidoo kale Jaaliyada Yeman ee ku dhaqan Hargeisa, oo ay gudidu kala shaqaysay siidaynta maxbuuskaa ayaa abaal marino "Shahaado sharafyo ah" ku maamuusay xubnaha gudida ee hawsha gacanta ku haysay, xaflad ka dhacday xarunta Golaha Wakiillada Jsl.

6. Gudidda Dhaqaalaha, Ganacsiga iyo Maaliyada

Guddida Dhaqaalaha, Maaliyadda iyo Ganacsiga waxay kal-fadhigiin 4aad ay qabatay shaqooyin muhiim sida kasoo tala-bixinta Miisaaniyada Qaranka, mashaariic sharci iyo Masuuliyiin qaran oo ay Golewaynaha u soo gudbisay, sidoo kale waxay kulamo kalan duwan la yeesheen Masuuliyiin qaran oo kala duwan. Hadaba wax-qabadkii Gudidda oo kooban wuxuu ahaa sidan:-

Kulamadii Gudiddu la Yeelatay Masuuliyiinta Qaranka

1. 05/11/2022 iyo 16/08/2022 Hanti dhawraha Guud JSL
2. 05/11/2022 iyo 20/08/2022 Guddoomiyaha Baanka JSL
3. 06/11/2022 Guddida Doorashooyinka Qaranka JSL
4. 07/11/2022 Wasiirka W.Waxbarashada iyo Sayniska JSL

5. 07/11/2022 Shirgudoonka Golaha Wakiilada JSL
6. 07/11/2022 Wasiirka W. Warfaafinta JSL
7. 07/11/2022 Wasiirka W. Horumarinta Maaliyadda
8. 08/11/2022 Wasiirka W. Horumarinta Cafimaadka JSL
9. 08/11/2022 Wasiirka W. Shaqo galinta Qoyska iyo Arrimaha Bulshada
10. 09/11/2022 Guddoomiyayaasha Degmooyinka Hargeysa, Burco, Borame, Ceerigabo, Laascaanood, Berbera, Gabiley iyo Saylac JSL
11. 09/11/2022 Wasiirka Wasaarada Arrimaha Guda JSL
12. 10/11/2022 Mareeyaha Guud ee Hay'adda Duulista iyo Madaarada JS
13. 12/11/2022 Mareeyaha Guud ee Haamaha Shidaalka Qaranka JSL
14. 12/11/2022 Mareeyaha Wakaalada Biyaha Hargeysa JSL
15. 12/11/2022 Mareeyaha Guud ee Dekkadaha JSL
16. 12/11/2022 Guddida Gurmadka Suuqa Waheen JSL
17. 14/11/2022 Wasiirka W. Qorshaynta iyo Horumarinta Qaranka JSL
18. 14/11/2022 Wasiirka W. H. Beeraha JSL
19. 14/11/2022 Wasiirka W. H. Biyaha JSL
20. 16/11/2022 Wasiirka W. Gadiidka iyo H. Jidadka JSL
21. 17/11/2022 Mareeyaha Guud ee Madbacadda Qaranka JSL
22. 20/11/2022 Wasiirka W. H. Maaliyadda JSL
23. 21/11/2022 Guddoomiyayaasha Guddiyada Golaha JSL
24. 22/11/2022 Shirgudoonka Golaha Wakiilada JSL
25. 07/11/2022 Xubno Matalaayey Ururada Bulshada Rayidka (Gaar ahaan Ururada ka shaqeeya Horumarinta Waxbarashada) JSL
26. 12/11/2022 Xubno matalaayey Culimo Awdiinta Dalka JSL

Mashaariicda Sharci ee Gudidda Golaha u soo gudbisay

1. 29-11-2022 Waxay Gudidda Golaha u soo gudbisay **Odoroska Miisaaniyada Qaranka ee Sanadka 2023-ka**

Masuuliyiintii Qaran ee ay Golewaynaha uga soo tala-bixisay.

1. 04/10/2022 waxay ka soo talo-bixisay in Xilka loo ansixiyo **Md. Guleed Muuse Ismaaciil Galaal** oo loo soo magacaabay Gudoomiyaha Hay'adda Caymiska Qaranka.
2. 04/10/2022 waxay ka soo talo-bixisay in Xilka loo ansixiyo **Md. Maxamed Xuseen Axmed** oo loo soo magacaabay Gudoomiye Ku-xigeenka Hay'adda Caymiska Qaranka.

Xeerarka Guddidu Gacanta ku hayso

1. Xeerka Jidaynta 2% Horumarinta Gobolada Bari Iyo Nidaaminta Cashuuraha Dawladda Dhexe Ay U Qabato Dawladdaha Hoose.

7. Guddida Arrimaha Shareecada, Dhaqanka iyo Qoyska.

Guddida Arimaha Shareecada, Dhaqanka iyo Qoysku waa guddi ka mid ah gudi hoosaadyada golaha wakiilada. Shaqooyinka ay guddidani qabato waxaa ka mid ah u kuur galidda arimaha dhaqan, shareeco iyo qoys ee wasaaradaha iyo ururada wada shaqaynta la leh guddida. Hadaba, wax qabadka guddida oo kooban waa sidan soo socota:-

Kulamadii Gudidu laYeelatay Masuuliyiinta Qaranka

1. **23, October, 2022** – Wasiirka diinta iyo Awqaafta
2. **25, October, 2022** – Guddida Wanaag-farista iyo Xumaan-reebista.
3. **14, November, 2022** – Wasiirka Shaqagalinta, Arimaha Bulshada iyo Qoyska.
4. **27, December, 2022** – Jamciyadaha Qur’aanka Kariimka.

8. Guddida Arr. Dibadda, I. Caalamiga ah, Qorshaynta iyo Maal-gashiga

Guddiga Siyaasadda Arrimaha Dibadda, Iskaashiga caalamiga ah, Qorshaynta Qaranka Iyo Maalgashiga iyaga oo Gudanaya waajibaadkooda Dastuuriga iyo Awoodaha uu siiyay Xeer-hoosaadka Golaha Wakiiladu, wax-qabadkeedii kal-fadhigii 4aad wuxuu sidan:-

Kulamadii Gudiddu la Yeelatay Masuuliyiinta Qaranka

1. **12/10/2022** Wasiirka **Wasaarada qorshaynta qaranka**
2. **13/10/2022** wasiirka wasaarada Wasaarada Horumarinta Maal-gashiiga iyo Warshadaha.
3. **02/11/2022** wasiirka iyo wasiirku xigeenka wasaarada arrimaha dibadda iyo iskaashiga caalamiga ah

Masuuliyiintii ee ay Golewaynaha uga soo tala-bixisay Ansixintooda.

3/10/2022 waxay ka soo talo-bixisay in Xilka loo ansixiyo **Md. Ahmed Aadan Ahmed Buuxane** Wasiirka Horumarinta Qorshaynta

9. Guddida Hawlaha Guud, Gaadiidka, Guryaynta iyo Tiknooliyada

Guddida Hawlaha Guud, Tiknoolajiyadda, Guryeynta & Dhulka iyaga oo Gudanaya waajibaadkooda Dastuuriga iyo Awoodaha uu siiyay Xeer-hoosaadka Golaha Wakiiladu. Hadaba, kal-fadhigii 4aad wax-qabadkii Gudiddu waxay kala ahaayeen sidan:-

Kulamadii Xog-wareysi ee Gudiddu la Yeelatay Masuuliyiinta Qaranka

1. **05/10/2022** Maareeyaha Hay’adda Waddooyinka Somaliland,
2. **06/10/2022** Maareeyaha Hay’adda Waddooyinka Somaliland,

Masuuliyiintii ee ay Golewaynaha uga soo tala-bixisay Ansixintooda.

1. **04/10/2022** waxay ka soo talo-bixisay in Xilka loo ansixiyo **Md. Maxamuud Jaamac Warsame** Wasiir ku-xigeenka W. Hawlaha Guud iyo Guryaynta.

Gudoomiye oo Magacaabay Agaasimayaal, dib u habayna ku sameeyay Waaxyaha Golaha

07 December 2022 Gudoomiyaha Golaha Wakiillada Md. C/risaaq Khaliif Axmed ayaa Magacaabay Agaasime Waaxeedyada iyo ku-xigeenada Golaha Wakiillada, Gudoomiyuhu isagoo ka duulaya baahida loo qabo in dib u habeyn iyo dara-dargalin lagu sameeyo shaqada Golaha isla markaana shaqadu ay u noqon lahayd mid tayo leh.

Wuxuu dhimis ku sameeyay tirada Agaasinka Waaxyaha Golaha oo ahaa 15 waaxood, wuxuu ku soo koobay 10 Waaxyood, isagoo Gudoomiyuhu u magacaabay 10 Agaasime Waaxeed oo qaarkood cusub yihiin, sidoo kale Gudoomiyuhu wuxuu magacaabay 7 agaasime ku-xigeen oo aanu Goluhu u hore lahayn taas oo waaxyaha maamulkooda lagu soo kordhiyay Agaasime ku-xigeen.

10 Waaxood ee Gudoomiyuhu ku soo koobay Waaxyihii Golaha waxay kala yihiin:-

No.	Agaasimaha	Waaxda
1.	Cawad Cali Maxamed	Agaasimaha Waaxda Hadal-qoraalka iyo Daabacaadaha
2.	Farax Ibraahim Gamuute	Agaasimaha Waaxda Maamulka iyo Maaliyada
3.	Ismahan Yuusuf Ibraahim	Agaasimaha Waaxda Xoghayamaha, Gudi, & Gobolada
4.	Saleebaan C/sitar Dubad	Agaasimaha Waaxda Warbaahinta, IT & Xidh. D/weynaha
5.	C/naasir Cismaan Max'ud	Agaasimaha Waaxda Qorshaynta iyo Tababarada
6.	Maxamuud Cismaan	Agaasimaha Waaxda Xusuus dhawrka iyo Leybareeriga
7.	C/laahi Cabdi Aadam	Agaasimaha Waaxda Cil-mibaadhista iyo Shuruucda
8.	Siciid Yaasiin Ismaaciil	Agaasimaha Waaxda Hab-maamuuska iyo Amniga
9.	Mahad Cumar Siciid	Agaasimaha Waaxda Cududda Shaqaalaha
10.	Xamse Max'ud X, Muuse	Agaasimaha Waaxda Miisaaniyada (Budget Department)

Gudoomiyuhu wuxuu Xubnaha shaqaalaha ee uu magacaabay kula dar-daarmay inay la yimaadaan shaqo hufan oo tayo leh, isla markaana Masuuliyadaha loo xil saaray uga soo baxaan si wanaagsan, wuxuuna ugu duceeyay in masuuliyada kala duwan ee ay qabteen rabi u fududeeyo kuna asturo.

SAFARADII DALKA DIBADDIISA LOOGU BAXAY

➤ **Safar Dalka UK ay ku tageen Laba Xildhibaan iyo Xoghayaha Guud ee Goluhu**

31 November 2022 Waxa Dalka Boqortooyada Ingiriiska safar marti-qaad ku tagay Laba Xildhibaan oo kala ahaa Md. Axmedkhaliif Jaamac iyo Md. Maxamed iyo Xoghayaha Guud ee Golaha Wakiillada Mr. C/risaaq Siciid Ayaanle, safark oo qaatay mudo bil ah, waxay kulamo kala duwan la qaateen Jaaliyada reer Somaliland ee UK kuwaas oo xaflado

kala duwan ugu qabtay Magaalooyinka dalkaas, waxayna dalka dib ugu soo laabteen **03 December**.

WUFUUDIHII IYO MADAXDII KALE EE GOLAHA YIMI

➤ Wafti Hay'adda UNDP oo Gudoomiyuhu kulan la yeeshay

07 November 2022 Gudoomiyaha Golaha Wakiilada **Mudane Cabdirisaaq Khaliif Axmad** oo uu wehliyo Gudoomiye ku-xigeenka 2^{aad} ayaa xafiiskiisa ku qaabiley madaxa Hay'adda Qaramada midoobey u qaabilsan horumarinta ee UNDP, ee Somaliland iyo Somalia, **Jocelyn Mason**, iyo ku xigeenka ahma madaxa mashaariicda ee UNDP, **Sophie Kemkhadze**. Kulankan oo daarranaa is barasho iyo dar-dar-galin ku aadan mashaariicda ay UNDP kala shaqeyso Golaha Wakiilada.

Kulankan waxaa ugu horeyn furay Gudoomiye Cabdisaaq, isagoo ugu horeyn uga mahadceliyey UNDP joogtaynta wada-shaqaynta ay wadaagaan Golaha, isaga oo ka war-bixiyey xaalada guud ee Golaha Wakiilada, iyo waxyaabaha mudnaanta u ah Golaha inay qabtaan muda-xileedka 5 sanno ah.

Waxa Guddoomiyuhu xusay in uu saxeexay oo uu dhaqangal yahay qorshe istraatajiyadeedka 5ta sanno oo xambaarsan hawlaha goluhu mudnaanta siinayo in uu qabto.

Dhinaca UNDP, Jocelyn wuxuu balan-qaadey in ay UNDP sii wadi doonto hawlihii ay ka taageeri jireen Golaha Wakiilada, isla markaana ay kala shaqeyn-doonaan Golaha sidii uu u fulin lahaa qorshaha shanta sannadood ee 2022-2026 ee Golaha (five-year strategy plan).

Kulanka waxa dhinaca Golaha Wakiillada uga qayb-galay

1. Md. Cabdisaaq Khaliif Axmed, Gudoomiyaha Golaha Wakiilada.
2. Md, Siciid Mire Giire, Gudoomiye ku xigeenka 1aad.
3. La-taliyaha Arrimaha Dibada iyo Hay'adaha Caalamiga Mr. Xasan Xiis.
- 3., Agaasimaha Waaxda Qorsheynta Cabdinaasir Cismaan Maxamuud

Dhinaca UNDP waxaa kulanka joogay

1. Jocelyn Mason, UNDP country Representatives Wakiilka UNDP ee Somaliland iyo Somalia
2. Sophie, ku xigeenka wakiilka UNDP ee Somaliland iyo Somalia
3. Samira Xasan, madaxa xafiiska UNDP ee Somaliland.
4. Mascuud Cabdi, madaxa barnaamijka UNDP ee qaybta la shaqeysa Baarlamaanka.

C/risaaq Siciid Ayaanle
Xoghayaha Guud ee Golaha Wakiillada JSL